

**OFFICE OF THE
UNITED PENTECOSTAL CHURCH OF NORTH EAST INDIA
AIZAWLEAST DISTRICT: RAMHLUN SOUTH, AIZAWL**

No.A 11011/3/2021-UPC(AED)/ 109

Dated Aizawl, the 19th June, 2026

To,

All Local Church
United Pentecostal Church
Aizawl East District.

Subject: Disabled Sunday Thuchah.

Rawngbawlpui duh tak te,

Lalpa Isua hmingin chibai ka buk a che u.

July Pathianni vawi khatna, dt.5.7.2026 hi United Pentecostal Church of North East India-in **Disabled Sunday** (Rualbanlo Pathianni) atana kan hman hun a lo ni leh ta a. Circular pawh kan rawn thawn tawh a.

General Headquarters atangin Rualbanlo Sunday Thuchah a lo thleng a, kan rawn thawn chhawng che u a. Pathianni chawhma emaw, zana emaw, hun remchang in neih anga Kohhran inkhawmah lo chhiar chhuak turin Lalpa Isua hmingin kan ngen a che u.

In rawngbawlina Lalpan malsawm rawh se.

Krista-a in rawngbawlpui,



(REV. H. LALROPUA)
District Secretary.

Memo: No.A 11011/3/2021-UPC(AED)/ 109

Dated Aizawl, the 19th June, 2026

Copy to:

1. District Superintendent, UPC AED, for information
2. All Sectional Pastor, UPC AED, for information
3. Office File
4. Guard File



(REV. H. LALROPUA)
District Secretary.

**OFFICE OF THE UNITED PENTECOSTAL CHURCH OF NORTH EAST INDIA
GENERAL HEADQUARTERS, MUALPUI; SALEM VENG**

No. B. 11028/2/23/UPC-NEI/3

Dated Aizawl the, 10th June 2026

To,

Chairman/Secretary
United Pentecostal Church of North East India

Subject : **RUALBANLO SUNDAY THUCHAH**

Tlang tina kohhran hote u, min chhandamtu kan Lalpa Isua Krista hmingin chibai kan buk a che u.

United Pentecostal Church of North East India General Conference rorel 12 of 2012 chuan, pian phunga rualbanlo te dawmkanna turin Rualbanlo Sunday neih ve ni se tih a rel a, Executive Board vawi 159-na, Rorel No 25 of 11-18 April 2012-na chuan, Rualbanlo Sunday chu kum tina hman atan July Pathianni hmasa ber ni se tiin Executive Board chuan a rel ta a ni. Kum 2026-ah pawh hian tualchhung kohhran ten he ni hi ngai pawimawha kohhran inkhawmah Rualbanlo Sunday puala thuziak lo chhiar chhuak a, an puala thawhlawm lo khawn theuh turin kohhranin a ngen a che u. Heng thawhlawmte hi tualchhung kohhranin thahnem ngai taka khawn khawmin, mahni District Headquarters-ah District Treasurer hnenah thehluh theuh tur a ni.

Nu pum chhunga nausenin nunna neiin mihring nun hi a lo intan a, mihring dam hun chhung rei leh rei loh hi chu Pathian ruatah kan dah thin. Mihringin a dam chhung zawng zawng piangsualna nei lova a hun a hman zawh theih chu a tan malsawmna hlu tak a ni. Hriselna hi a hlu tak zet a, mi hrisel tha zawng zawngte erawh a dam rei ber an ni vek lem lo. Mihring nun chan hun chhungah chuan piangsualna hi eng vang pawhin, eng hun lai pawhin mihringte chungah a lo thleng thei a ni. Chuvang chuan pi leh pute khan, **“pian sualin tlai luat a nei lo,”** an lo ti reng a ni.

Rualbanlo zawng zawng hi piangsual an ni vek a, piangsual zawng zawng hi rualbanlo tia sawi vek chi chu an ni lo vang. Rualbanlote tih hi pian phunga mihring rilru pangngai phak zan lote sawi nan kan hmang thin. Rualbanlo nihna hi Nu pum chhunga mihring insiam lai atang daiha lo intan tawh an awm a, vanduainga eng emaw avanga rilru lam Chiang lo leh mi pangngai phak zo ta lo pawh an awm baw. Pianphung leh rilrua mihring pangngai phak zan lote puala kohhranin Pathianni vawi khat kan neih ve ni-ah hian, an puala kan rawngbawl ve theihna chu thawhlawm lak khawm sak hi a ni.

Piangsualte hmusit suh la, an tihdan zirin fiamthu thawh nan hmang hek suh. Rualbanlote nun hi a chepin, an nun hi a inkiltawih nasa hle thin, nuam taka an damchung hun an hman theih

nan an inawm hlimna siamsak hi a tul tak meuh meuh a ni. Tunlai khawvel finna leh thiamna sang zelah, an nun tihlim nan an thil thiam ang angte khawihtirin, an talent-te pho chhuah sak nachang kan hre tan ta. Rualbanlo kan tihte hi hmuhsitna tawngkam anga ngaih theih, rual an ban lohna hming tilang lovin, **“Physically challenged person”** emaw **“Defferently Affect person”** tiin mi fing zawkte chuan an sawi thin. Rualbanlote hi khawvelah an tam em em a. India ram chhung ngeiah pawh 2021 Census-ah khan 14.9 million mipa awma ngaih an ni a, hmeichhia 11.9 million an awm anga ngaih a ni. Chu chu India ram mihring zawng zawng 2.41 percent mipa leh 2.01 hmeichhia awm anga chhut a ni

Kan Lal Isua khawvela a len lai khan heng rualbanlo hote hi a kiangah an awm reng a, Pathian mamawha beltu apiangten Isua Krista tihdamna an chang thin a ni. Rualbanlo, zeng, piangsual leh mitdel te hian Pathian thiltihtheihna chu chawplehchilhin an dawng a, Pathian ropuina lo lang tur atana hmanruate an ni. Pathian ropuina tihlanna hmanrua chauh ni lovin, an thlarau nun thlengin chhandamna an chan hi Pathianin a phal a ni tih kan pawm a tha hle. An tan tawngtai tur te, ei tur pe tur te, an mamawh chhanna ni turin United Pentecostal Church, North East India chhunga kohhran tinte chu thilpek hmangin i luang chhuak zel ang u.

Issued and Published by United Pentecostal Church of North East India
Mualpui : Salem Veng : Aizawl. Pin- 796005